

ORDENANZA 3.12

TAXA DE CEMITERIO MUNICIPAL

Artigo 1º. Fundamento e natureza

No uso das facultades concedidas polos artigos 133.2 e 142 da Constitución e polo 106 da Lei 7/1985 do 2 de abril, reguladora das Bases do Réxime Local, e consonte ó disposto nos artigos 15 a 19 e 20.4 p) da Lei 39/1988 do 28 de decembro, reguladora das Facendas Locais (modificada pola Lei 25/1998 do 13 de xullo), este Concello establece a taxa de cemiterio municipal, que se rexerá pola presente Ordenanza Fiscal as normas da cal atenden ó previsto no artigo 58 da devandita Lei 39/1988.

Artigo 2º. Feito imponible

Constitúeo a prestación dos servizos de cemiterio municipal, tales como: asignación de espazos para enterramentos; permisos de construción de panteóns ou sepulturas; ocupación dos mesmos; redución, incineración; movemento e colocación de campas; reixas e adornos, conservación dos espazos destinados ós defuntos e calquera outros que, consonte ó previsto no Regulamento de Policía Sanitaria mortuoria sexan procedentes ou se autoricen por instancia de parte.

Artigo 3º. Suxeito pasivo

Son suxeitos pasivos desta taxa os solicitantes ós que se lles conceda ou autorice a prestación do servizo e, en calquera caso, os titulares da autorización concedida.

Artigo 4º. Responsables

- 1.- Responderán solidariamente das obrigas tributarias do suxeito pasivo as persoas físicas ou xurídicas a que se refiren os artigos 38.1 e 39 da Lei xeral tributaria.
- 2.- Serán responsebles subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria

Determinarase por aplicación das seguintes tarifas:

- 1.- Concesións de terreo, para construción de mausoleos, criptas e panteóns, por529,10 €
- 2.- Concesión de nichos por 99 anos:

Primeira clase691,60 €
Segunda clase656,40 €
- 3.- Concesións de nichos cinerarios por 99 anos125,25 €
- 4.- Concesións de sepulturas por 99 anos.....203,55 €
- 5.- Aluguer de nichos segunda clase:

Ocupación polos cinco primeiros anos23,55 €
Prórroga anual de aluguer que exceda de
cinco anos23,55 €
- 6.- Construción de mausoleos, panteóns, criptas sepulturas baixo terra. Por permiso e m2 ou fracción de superficie delimitada por perímetro de zócolo31,10 €

Artigo 6º. Exencións e bonificacións

Establécese a exención de pagamento para as inhumacións que ordene a Autoridade Xudicial e que se efectúen na fosa común.

Artigo 7º. Obriga de contribuir

A taxa devengarase no intre de solicita-la prestación dos servizos suxeitos a gravame.

Artigo 8º.- Normas de xestión

- 1.- A prestación de servizos obxecto desta taxa levarase a cabo a pedimento da parte interesada, previa solicitude presentada no rexistro xeral co xustificante de ingreso da taxa regulada nesta Ordenanza, que terá carácter de liquidación provisoria.
- 2.- O negociado de servizos básicos, mercados e transportes, emitirá o informe que xustifique a concesión ou denegación da licenza ou autorización correspondente e procederá á notificación da resolución ó interesado adquirindo a liquidación xirada carácter de definitiva.

No caso de que a resolución sexa denegatoria procederá a devolución do ingreso efectuado.

Artigo 9º. Infraccións e sancións

Para todo o relativo a calificación das infraccións tributarias, e a imposición das sancións correspondentes, rexerá o disposto nos artigos 77 e seguintes da Lei xeral tributaria.

DISPOSICIÓN DERRADEIRA

A presente Ordenanza foi aprobada de xeito provisorio polo Pleno da Corporación na sesión celebrada o día dezaioito de novembro de dous mil tres. Se non se presentan reclamacións enténdese aprobada definitivamente. Comezará a aplicarse a partir do primeiro de xaneiro do ano dous mil catro, e aplicarse mentres non se acorde a súa derogación ou modificación.

